

TONG YULDUZI

O'zbekiston bolalari va o'smirlarining gazetasi

Gazeta 1929 yil 1 avgustdan chiqib boshlagan

№ 48 (66329)
2001 yil 30 noyabr, juma

Sotuvda erkin narxda

ISTIQLOLNING BOLALARIMIZ



Yosh avloddir Vatan chehagi,
Ahil bo'lmoq xalqim tilagi.
Buyuk erur yurt kelajagi,
Biz shu elning lolalarimiz,
Istiqlolning bolalarimiz.

Qalbimiz sof, suv kabi zilol,
Tilimizdan tomar shakar, bol.
Hurligimiz ko'rmasin zavol,
Biz shu elning lolalarimiz,
Istiqlolning bolalarimiz.

Ne'mat to'la dasturxonimiz,
Jahon uzra ketgan shonimiz.
Mehr bilan jo'shar qonimiz,
Biz shu elning lolalarimiz,
Istiqlolning bolalarimiz.

Shukhlangan oyi bizniki,
To'lib oqqan soyi bizniki.
Jannatmakon joyi bizniki,
Biz shu elning lolalarimiz,
Istiqlolning bolalarimiz.

Onajonim jon O'zbekiston,
Bitajakmiz sha'ningga doston.
Baxtimizga doim bo'l omon,
Biz shu elning lolalarimiz,
Istiqlolning bolalarimiz.

Lobar **PARDAYEVA**,
Qarshi shahridagi
5-maktabning
9- «V» sinf o'quvchisi.

AVTOBUSLAR QAYDA QOLDI?

Aytaylik, o'qishga, ishga oshiqayapmiz yoki biror zarurat tufayli ko'chaga chiqdik. Albatta transport vositalaridan foydalanamiz, shundaymi? Ular o'z vaqtida qatnasa, boradigan m a n z i l i m i z g a kechikmay yetib olsak, nur ustiga a'lo nur. Ammo, bizning Toshkent tumaniga qarashli «Oloy bozori - Do'stlik» mahallasi bo'ylab qatnovchi 179-avtobus kabi yo'lga intizor qilib, bekatlarda sarg'aytirsa, bundan yomoni yo'q. Bu avtobus ko'p deganda kuniga uchta yuradi. Ba'zi kunlari esa bittagina avtobus bo'zchining makkisidek qatnayveradi. Bu ham yetmagandek, oylik chiptalari-yu nogironlik guvohnomalari ham o'tmaydi. Rahbarobod mahallasining

T.Rahmonberdiyev ko'chasida yashovchi talabalar chiptalar narxi qimmatlik qilib, garchi yo'l uzoq bo'lsa-da, 123- avtobusning Hasanboy bekatigacha piyoda yurib boradilar. Afsuski, «Do'stlik» va «Rahbarobod» mahallasida yashovchi ishchi, o'quvchi va talabalarning ahvolini hech kim surishtirmaydi. Mutasaddi amakilarimizning o'zlari ham mana shu avtobusda bir yurib ko'rsalar edi, uning sonini hech bo'lmasa beshtaga yetkazib berisharmidi?!

Nafisa **ABDUKARIMOVA**,
Toshkent tumanidagi
G'. Abdullayev nomli 22 - o'rta
umumta'lim maktabining
9 - sinf o'quvchisi.

KONSTITUTSIYA BAXTIMIZ POYDEVORI

Men respublikamizning hamma insonlari qatorida teng huquqli va burchli farzandiman. Bunday bo'lishimga sabab O'zbekiston mustaqil! O'zbekistonning ham barcha mamlakatlar singari o'z konstitutsiyasi bor. Konstitutsiya - baxtimiz poydevori. Bizning baxtli yashashimizga, teng huquqli va teng burchli bo'lishimizda konstitutsiyamiz mayoqdir.

Mustaqillikka erishganimizdan so'ng biz yoshlarga e'tibor yanada kuchaydi.

Buni konstitutsiyaning 164-moddasida ko'rishimiz mumkin:

«Ota-onalar o'z farzandlarini voyaga yetmagunlariga qadar boqish va tarbiyalashga m a j b u r d i r l a r ». Konstitutsiyamizdagi qonunlar bizga shunchalik shart-sharoit yaratib bergan ekan, nega endi biz burchimizni ado etmaymiz?!

Keling do'stlar, yaxshi o'qib, yurtimizni rivojlanishiga hissa qo'shaylik.

Muqaddas **SAYRAMOVA**,
Toshkent shahar
qo'shimcha ta'lim
majmuasining «Yosh
jurnalistlar» klubi a'zosi.

BARCHAMIZNING BURCHIMIZ

Shu kunlarda ko'plab maktablar, litsey va kollejlarda giyohvandlik va SPIDga qarshi kurash mavzusiga bag'ishlangan tadbir va uchrashuvlar o'tkazilayapti, mutaxassislarining

qilmasa, o'zini qo'yarga joy topolmas ekan. Buning natijasida esa turli fojiali oqibatlar qo'l urishi tabiiy ekan. Masalan, u hech ikkilanmasdan jinoyat sodir etishi mumkin. Ayniqsa, uning atrofdagi kishilar hayotiga salbiy ta'sir etishi undan-da yomon.

S P I D

ma'ruzalarni tinglayapmiz, hujjatli filmlar tomosha qilyapmiz. Bu bejiz emas albatta. Chunki SPID va giyohvandlik asrimiz vabosi deya bejiz ta'riflanayotgani yo'q. Giyohvandlik va uning noxush asoratlari haqida ko'plab ma'lumotlarni eshitmoqdamiz. Giyohvandlikka ruju qo'yganlarning ko'pchiligini voyaga yetmagan yoshlar tashkil etayotganligi esa, ayniqsa achinarlidir. Yosh organizmda bu narsa yomon asoratlarni keltirib chiqaradi. Giyohvand moddani iste'mol qilganlarning eng avvalo bosh miyasi zaharlanar ekan.

Bora-bora yashashga qiziqishi kamayib, faqat narkotik moddalar haqida o'ylaydigan bo'lib qoladilar. Ularni qanday yo'l bilan bo'lsa-da, topish giyohvand uchun asosiy maqsadga aylanadi. Ular oqilona fikrlash, ishlash qobiliyatlarini yo'qotadilar. Bu kasallikka chalingan inson o'z vaqtida giyohni qabul

xastaligi ham asosan giyohvandlikka ruju qo'ygan insonlar orasida ko'plab uchramoqda.

Biz yoshlar bu jirkanch illatga muhtalo bo'lib qolishdan doimo o'zimizni saqlashimiz zarur. Boshi berk ko'chaga kirib qolgan tengdoshlarimizga yordam qo'limizni cho'zaylik. Ulardagi salbiy illatlarni payqab qolsak, darhol kattalarga xabar beraylik. Salomatlik - eng ulug' ne'mat ekanligini doimo yodimizda saqlaylik. Zero, asr vabosi bo'lgan giyohvandlikka qarshi kurashish har birimizning burchimizdir.

Xatira **ABDIBAYEVA**,
Toshkent avtomobil
yo'llari instituti qoshidagi Akmal
Ikromov nomli
akadem- litseyi talabasi.

SHAHAR BO'YLAB SAYOHAT

Bizning maktabda ta'lim-tarbiya juda yaxshi yo'lga qo'yilgan. Maktabimizda har xil to'garaklar ishlab turibdi. Menga ayniqsa, ona tili, adabiyot va matematika to'garaklari yoqadi. Ona tili va adabiyot fanidan to'garaklarni bizga sinf rahbarimiz Ro'zigul opa Karimbekova o'tkazadilar. Ular darslarni juda qiziqarli olib boradilar. Matematikadan esa Nigora opa Mavlonova dars beradilar. Ular talabchan va mehribonlar. Bo'sh vaqtdan unumli foydalanish maqsadida 8 noyabr kuni Muyassar opa Mutalova va Aqida opa Tojiboyevalar boshchiligida sayohatga chiqdik. Xolida opamlar bizga yo'l-yo'lakay O'zbekiston tarixidan qisqacha ma'lumot berib o'tdilar. Qanchadan-qancha bobokalonlarimizning qonlari to'kilgan «Shahidlar xotirasi» xiyoboniga bordik.

Keyin «Sobir Rahimov» tumaniga yo'l oldik. Mahallalar orasida, mahalla idorasiga keldik. Idoradan bir otaxon chiqib, bizni o'sha mahalladagi ko'hna masjidga taklif qildilar. U yerda juda chiroyli kutubxona tashkil etilibdi. Aytishlaricha, bu yerni qurishga yarim kilogramm tilla ketgan ekan. Undan keyin «Shayxontohur» mahallasiga yo'l oldik. Islom universiteti bilan yaqindan tanishib chiqib, so'ng «Poyezdlar muzeyi»ga bordik. U yerda poyezdlar tarixiga oid qiziqarli manbalarni ko'rib hayratlandik. Bir olam taassurotlarga ega bo'lishimizga ko'maklashgan ustozlarimizdan juda minnatdor bo'ldik.

Dilshod USMONOV,
Akmal Ikromov tumanidagi Ahmad
Yassaviy nomli 203-o'rta maktabning
5- «J» sinf o'quvchisi.

XATLAR TEGIRMONI



Men sizlarga hozir Bumning ta'tili to'g'risida so'zlamochiman. Bummi o'rmonga borib, o'ziga qulay joydan chodir yasab oldi. Qorni ham ochiqqani uchun qozonchasini olib ovqat qilishga kirishdi. Hamma masalliq tayyor bo'lganidan so'ng o'tin terib olish uchun o'rmon

qo'ziqorin teramiz, do'stlarim bilan tanishtiraman, faqat bitta iltimos, men ham chodiringda yashay, kuz keldi sovqotayapman, iltimos, - dedi quyon.

Bummi rozi bo'ldi. Endi quyon bilan Bummi ertalab birga turadi. Quyon Bummini

OLTIN KUZ HIKOYASI

oralab ketdi. Qaytib kelsa chodir yonida quyon o'tiribdi. Sekin borib quyonga salom berdi.

- Salom quyon, - dedi u.


- Vaalaykum assalom, - deb javob qaytardi.

- Bu yerda nima qilyapsan - deb so'radi ajablanib Bummi.

- Sen bilan do'stlashmoqchiman, so'ng o'rmonni ko'rsataman,

o'rmondagi barcha hayvonlar bilan tanishtirdi. Olmaxon nonushtaga yong'oq teradi, quyon qo'ziqorin, Bummi esa o'tin teradi. Qarg'a ularga shahardan yangiliklar keltiradi. Xullas, o'rmonda Bumning ta'tili do'stlari davrasida zavq-shavq bilan o'tmoqda.

Nemis tilidan
Samarqand viloyati,
Oqtosh shahridagi
59-maktab o'quvchisi
Oynisa ESHMURODOVA
tarjima qildi.



Bir maktabdan ikki maktub

Men bir kuni ko'chada ketayotib, maydonchani supurayotgan ayolni ko'rdim, u barglarni yig'ib yoqayotgan edi. So'ng o'yladim, shuning o'rniga barglarni yerga ko'msa bo'lar edi-ku, yerda chirib o'g'it bo'lardi. Ekologiyani buzmaslikka ozgina bo'lsa ham hissa qo'shgan bo'lar edi.

Ota-bobolarimiz «suvga

TOZA HAYO - TANGA DAVO
t u f l a b
bo'lmaydi», deb aytishar edi, suv obi-hayot hisoblangan.

Nonsiz yashashga chidash mumkinu lekin suvsiz yashash amri mahol. Hozir esa suvni isrof qilishmoqda. Ariq suvlariga hammom va hojatxonalarining chiqindi suvlarini chiqarib yuborishmoqda. Axir, bularning hammasi gunoh hisoblanadi, bularning ham savol-javobi bor-ku! Mana shu oqar suvlarda yozning issiq kunlarida ko'pchilik cho'miladi, shundan keyin har xil kasalliklar kelib chiqadi.

Shu kichkinagina maqolamni o'qib, ko'pchilik o'ziga xulosa chiqara olsa yaxshi bo'larmidi, deb o'ylayman.

Adham MUHAMEDOV,
274- maktabning 5- «V» sinf o'quvchisi.

Bir kuni m a k t a b g a ketayotgan edim.

Ko'chada quvurdan oqib yotgan suvga ko'zim tushdi. Suv bekorga oqib yotgan edi. Men shu xonadonning eshigini taqillatdim. Hech kim javob bermagach, ichkariga kirdim. Ichkarida daraxtlarni kesayotgan otaxonga ko'zim tushdi. Men odob bilan salom berdim va

ko'chada

bekorga suv oqib yotganini

aytdim. Yana ularga o'qituvchimiz bizga o'rgatganlaridek, Orolning suvi qurib qolayotganligini, u yerdagi bolalar kasal bo'layotganligini aytdim. Shuning uchun suvni isrof qilish kerak emas, deb tushuntirdim. Bobo mening boshimni silab «Ustozingga rahmat», dedilar va suvni o'chirib qo'ydilar.

Dilnoza ISAMUHAMEDOVA,
Toshkent shahar, Yunusobod
tumanidagi 274- maktabning
5- «V» sinf o'quvchisi.



«MEN NECHUN SEVAMAN O'ZBEKISTONNI?»

Har bir inson xayolga cho'mib qolar ekan, «Ona Vatan», «Do'stlik», «Ota-onaga hurmat», yana kimdir «Ustoz» haqida o'ylaydi. Qo'limga qalam olarkanman, o'z ona Vatanimning go'zal tabiati-yu uning bepoyon manzilgohlarini tasvirlagim keldi.

Vatanni oq sut bergan onaga qiyoslashadi. Inson uchun quyosh, havo, suv, non, ota-ona qanchalik aziz, mo'tabar bo'lsa, Vatan ham shunchalik aziz va mo'tabardir. Dunyoda Vatandan ortiq mehriyoh bormi? Yo'q albatta, u ona kabi yagona. Ona zamirimizning manzaralarini ta'riflashga til ojizlik qiladi. Biz yashayotgan mamlakat O'zbekiston deb ataladi.

O'zbek xalqi erkin, ya'ni o'ziga xon, o'ziga bek bo'lib yashashni istardi. Mana u orzusiga erishdi. Ammo, mana shu tinchligimizni, hurligimizni ko'rolmaydigan ayrim g'arazli kishilar yurtimizga, ona zaminimizga yomon ko'z bilan qarab, o'z ta'sirlarini o'tkazishga harakat qilmoqdalar. Albatta, biz yoshlar ham vatangadolarga qarshi turishimiz, ularning yovuz niyatlarini amalga oshirishga yo'l qo'ymasligimiz zarur. Mana shunday kimsalar o'z Vatanga, ota-onasiga qarshi qo'l ko'targan insonlardir. Nahotki, o'z Vatanning nonini yeb, tuzini ichib, o'z yurtiga sotqinlik qilsa, bu adolatdanmi? Aziz yoshlar mana shunday bilib-bilmay qilib qo'ygan xatolari uchun azob chekayotgan Vatangadolarga nima deysiz?

Prezidentimiz shunday deydi: «Oldimizda nihoyatda muhim, kelajagimizni hal qiluvchi yangi vazifalar turibdi. Bu vazifa erkin fuqarolik jamiyatining ma'naviyatini shakllantirish, boshqacha aytganda, ozod, o'z haq-huquqlarini yaxshi taniydigan, boqimandalikning har qanday ko'rinishlarini o'zi uchun or deb biladigan, o'z kuchiga, aqliga ishonib yashaydigan ayni zamonda o'z shaxsiy manfaatlarini xalq, Vatan manfaatlari bilan uyg'un holda ko'radigan komil insonlarni tarbiyalashdan iboratdir».

Biz yoshlar ham aql, kuchimizga ishongan holda o'z ona yurtimizning sobiq qo'riqchisiga aylanaylik.

Maqsuda QURBONOVA,
Buxoro viloyati,
Qorako'l tumanidagi
7- maktabning
8- sinf o'quvchisi.

16

Xayolingni jamlab ol, deya,
Turtidim, ko'zim ustozdan uzmay.
Do'stim esa parvoyi falak,
Xayol surar pinagin buzmay.

- Xayol surish juda mazza-da,
Kayfiyatim ko'rib, holim so'r.
Gaplarimga ishonmasang gar,
O'zing ham bir xayol surib ko'r!

Cho'miltirar shirin o'ylarga,
Kayfiyatim ko'tarar gohi.
Xayol surgin mayliga, ammo,
Bo'lg'in dunyo ishlar ogohi.

Mana, men xayol suryapman,
Nigohim-la chizib doira.
She'rilar yozsam, ilhomim jo'shib,
Zulfiyadek bo'lsam shoirra...

15

XAYOLPARAST DO'STIM

Ustoz kirdi, dars boshlandi,
Tinchib qoldi sinfimiz shu on.
Yonimdagi bir partadoshim,
O'y suradi, xayol parishon.



8

SHUKUR QIL

Dardlarim ko'p, demagin nolib,
Ayt, nelardan bu ko'ngling to'lmas?
Goh orzuying ushaladi, goh ...
Umr o'zi armonsiz bo'lmas.

Barchamizga omonat dunyo,
Imkon qadar yaxshilik qilgin.
Inson birdek yurmas salomat,
Yo'l ham birdek ravonmas, bilgin.


Shunday ekan, har kunimizga,
Shukrona deb, yashang odamlar.
Inson degan nomga munosib,
Inson bo'lib yashang, odamlar.

23

DO'STLIK


Do'stligimiz ristastin,
Mahkam bog'lab olaylik.
Qilgan ahdu paymonga,
Doim sodiq qolaylik.

Qanday yaxshi har damda,
Do'sting sen bilan yursa.
Yaxshi va yomon kuningda,
Doim yoningda tursa.



7

Bilmay o'sgin gayer'u neligin,
Ezguliklar hamrohing bo'lsin.
Ota-onang ishonchin oqla,
Yo'ling ravon, nurlarga to'lsin.



24


QALAMIM

Borliqqa oqshom cho'kdi,
Osuda tun qorong'u.
Uxlamog'chi bo'jaman
Tinchlik bermaydi tuyg'u.

Orom olyapiti ukam,
Uyquga hech to'ymaydi.
Fagat mengina bedor,
Qalamim tinch qo'ymaydi.

Goh unga qilib havas,
Ma'yus boqib qolaman.
Targ'oz xayolim jamlab,
Chugur o'nga tolaman.

Mayli, oromim olgin,
Bedor o'tkazay tunni.
Hayotimga qo'shmayman,
Ljod qilmagan kunni.



Faroxat JABBOROVA

ONAM VA OTI CHOG' BO'RS



TABARRUK QALAM

She'riyatning qutlug', yo'lida,
Umid bilan tashladim qadam.
Ezgulikni yozib hormasin,
O'limdagi tabarruk qalam.



«Tong yulduzi» - 2001

17

ADDODLARIM BOQQAN TUPTROQ

Yurtim, o'rnishingga tashlasam nazar,
Ozmi shu tuproq deya qon to'kkan ajdod?
Ko'zlarim yoshlanar, titraydi vujud,
Bobur o'zga yurtda o'rdi bo'lib yot.

Mana endi keldi bizning zamona,
Xalqim o'zligini angladi bu kun.
Yashaymiz osuda, musaffo osmon,
Ezgulik jaholaldan keloldi ustun.

Yurtim, olinga teng har qarich yering,
Tuproq'ing biz uchun muqaddas, aziz.
G'aninga toptatib qo'yamaymiz aslo,
Zero, Vatan so'zi jon qadar aziz.

14

USTOZ

Ko'zlaringiz nurini oldim,
Parvonasiz doim qoshimda.
Sochingizga oqlarni soldim,
Ustoz, tutay sizni boshimda.

Aqlim tarib, ulg'aydim ancha,
Kamolotga yetgan yoshimda.
Ishonchingiz oqlayin deymen,
Ustoz, tutay sizni boshimda.



9

UMIDLARI KO'P ONA

- Bolam, - deding erkalab, -
Sensan jonu jahonim.
Senga tikon kirsan gar,
Og'riydi mening jonim.

Oq yuvib, oq taraysan,
Ma'nolidir so'zlaring.
Menga quvvat, kuch berar,
Mehr to'la ko'zlaring.



22

Afsus topmadim gayta,
Bir ko'rmoqqa bo'ldim zor.
Otajonim ketgan kun,
Keng bu dunyo bo'ldi tor.

Nuroniychehrasini,
Ko'zlarimga chizibdi.
Hikmatli so'zlarini,
Xotirangamga tizibdi.

Bugun tug'ilgan kunim,
Shodman, lekin nedir kam.
Ota mehri unga yetmas,
Barcha shodlik bo'lsa jam.

Yurak talpinar, netay,
Otajonim, siz tomon.
Hech bo'lmasa tushimga,
Kirib turing har zamon.

30



MUALEIM, SIZGA RAHMAT!

Ustozimsiz o'zingiz,
Shirin-shakar so'zingiz,
Mehr to'la ko'zingiz,
Rahmat sizga, muallim!

Berar bizga maslahat,
Doim qilar nasihat,
Deydi: «Bo'linglar sihat»,
Rahmat sizga, muallim!

14

USTOZ

Ko'zlaringiz nurini oldim,
Parvonasiz doim qoshimda.
Sochingizga oqlarni soldim,
Ustoz, tutay sizni boshimda.

Aqlim tarib, ulg'aydim ancha,
Kamolotga yetgan yoshimda.
Ishonchingiz oqlayin deymen,
Ustoz, tutay sizni boshimda.



9

UMIDLARI KO'P ONA

- Bolam, - deding erkalab, -
Sensan jonu jahonim.
Senga tikon kirsan gar,
Og'riydi mening jonim.

Oq yuvib, oq taraysan,
Ma'nolidir so'zlaring.
Menga quvvat, kuch berar,
Mehr to'la ko'zlaring.




22

Afsus topmadim gayta,
Bir ko'rmoqqa bo'ldim zor.
Otajonim ketgan kun,
Keng bu dunyo bo'ldi tor.

Nuroniychehrasini,
Ko'zlarimga chizibdi.
Hikmatli so'zlarini,
Xotirangamga tizibdi.

Bugun tug'ilgan kunim,
Shodman, lekin nedir kam.
Ota mehri unga yetmas,
Barcha shodlik bo'lsa jam.

Yurak talpinar, netay,
Otajonim, siz tomon.
Hech bo'lmasa tushimga,
Kirib turing har zamon.



Bulol o'lim olib yoz,
Tug'yon urgin limmo-lim.
Olov bo'gin, bo' otash
Qimirlab tur qalamim.

Buncha bo'lma beshafqat.
Yuragimni og'ritma,
Bir joyda turma faqat.
Oydan ilhom olib yoz,

Qalamim ungan kun,
Qalbgaga otilgan o'qdir.
She'r yozolmay bolsam gar,
Undan og'ir kun yo'qdir.

Aziz bolajonlar!

Faroxat JABBOROVA tengdoshingiz,
Xorazm viloyati, Urgench shahridagi Sobir
Rahimov nomli 16 - maktabning 8 - «A»
sinfida a'lo baholarga o'qiydi. Maktab
hayoti va jamoat ishlarida faolligi bilan
barchaga namuna bo'layotgan Faroxat
she'rlar ham mashq qiladi. Mazmunan
rang-barang, fikran tugal she'riy
mashqlari gazetamiz sahifalarida ham e'lon
qilingan.

Qo'lingizdagi «Onam vaqti chog', bo'lsa»
nomli kitobcha Faroxatning she'riy
mashqlaridan jamlangan. Umid qilamizki,
ushbu kitobcha lotin alifbosidagi
kitoblaringiz joyidan munosib o'rin
egallaydi.

Kelgusida Zulfiyaxonimdek ajoyib shoira
bo'lish istagida tinimsiz izlanayotgan
Faroxatga esa orzulari hamrohi bo'lishini
tilab qolamiz.

TUG'ILGAN KUNING MUBORAK

Bugun sening tug'ilgan kuning,
Yana bir yosh ulg'aydi yoshing.

Ota-onang, elim baxtiga,
Omon bo'lsin bu aziz boshing.

Yurtimizning kelajigisan,
Umid qilar sendan keng olam.

Bobolaring qo'li duoda:
Alp domatli bo'lg'on bo'lg'on bolam!



18

Har dilda jo'sh urar Vatan tuyg'usi,
Yozaman nomingni she'rimga qo'shib.
Oybarchin qizlaring,
mard o'g'lonlaring,
Seni kuylaydilar yurakdan jo'shib.

Barcha qora kunlar orqada qoldi,
Elim, ko'zlaringda ko'rmay endi yosh.
Ruhingni baland tut, mustaqil diyor,
Porladi boshingda nurafshon quyosh.

Kindik qonim to'kilgan
aziz Turonim,
Bag'ringda ulg'ayib, quvvatga to'lay.
Koringga yaramoq ezgu niyatim,
Sening bir tirgaging,
posboning bo'lay.

13

ONAM VAQTI BO'LSA CHOG'...

Quvonchdan yayrar dilim,
Ilhomim go'yo buloq.

Ko'zlarim chaqnab turar,
Onam vaqti bo'lsa chog'.

Osmon moviy, beg'ubor,
Zamin bunchalar yumshoq.
Quyosh ham kulib boqar,
Onam vaqti bo'lsa chog'.

O'qish, ishlaring a'lo,
Mening ham dimog'im chog'.
Dunyoda yo'qdir tashvish,
Onam vaqti bo'lsa chog'...

10

ARMON BO'LDING YURAKLARDA (Muhammad Yusufga)

Qalam olsam titraydi qo'lim,
Biron so'z ham kelmas tilimga.
Chekaman oh, zirqirar tanam,
Armon solib ketding dilimga...

Pok nurlarga belab izingni,
Qilmading hech she'rga xiyonat.
Yorug' qilib ketding yuzingni,
Noming mangu qoldi - Muhammad!

Ayting, kim ham sevmasdi uni,
Shoir, baxshi, kamtarin inson.
Eshitdimu bu shum xabarni,
Go'yo hayot to'xtadi shu on.

12

Qizim, shahlo ko'zingda,
Ko'rmayin ko'z yoshini.
Ruhim shod bo'lsin desang,
Omon saqla boshingni.

Seni kutar yaxshi kun,
Orom ol endi bir pas.
Shunday bir qiz bo'lginki,
Qilsinlar senga havas...

Birdan uyg'onib ketdim,
G'oyib bo'ldilar otam.
Shoshmang deya o'tindim,
Yonimda turing bir dam.


Otajonim, ko'p edi,
Sizga aytar so'zlarim.
Siymongizni qidirdim,
Qayta yumib ko'zlarim.

29

XUSH QOL, MAKTABIM!

Ilm, bilim konisan,
Seni didan maqtagum.
Bag'ringda unib-o'sdim,
Xush qol endi, maktabim.

Ustozlarim mehribon,
Sizni yodda saqlagum.
Bizga oq yo'l tilagin,
Xush qol endi, maktabim.



2

SHE'R YOZMAGAN KUNLARIM

Nimadir kamlik qilar,
Oromsizdir tunlarim.
Har yonga silki, tortar,
She'r yozmagan kunlarim.

Ko'nglim g'ash bo'laverar,
Bag'rimda tutunlarim.
Ko'zlarim to'lar yoshga,
She'r yozmagan kunlarim.

Qayga uray o'zimni,
Qorong'u kunduzlarim.
Yashadim deb aytmasman,
She'r yozmagan kunlarim.

5

KO'ZLARINGIZ NAM BO'LMASIN DADAJON

Qayg'urdingiz bizni deya ganchalar,
O'ylamay siz o'zingizni hech bir on.
Bo'larni-ya mehringiz mo'j shunchalar,
Baxtimizga dard ko'mangiz hech qachon.
Ko'zlaringiz nam bo'lmasin, dadajon.

Farzandlarim ogil farzand bo'lsin deb,
Hayotlari baxt, iqbolga to'lsin deb,
Tashvishimiz bilan bo'lib ovora,
Bo'larni, deysiz yurakni qilib pora,
Tuzingizni oqloksak edi zora.



26

TIL

Til - dil kaliti deydi xalqimiz,
Bu tilda ajdodlar g'azallar bitar.
Shu tilda ham so'zlab,
ham kuylab turib,


Tilini o'zgaga nomardlar sotar.

Navoiy, Uvaysiy,

Beruniy, Bobur,
Ibn Sino, Furgatlar tilidir

bu til.

Ajdodlar tilini sevib, ardoqlab,
To' tirk ekanniz pokizadir dil.



19

MO'JIZAKOR SO'Z

Ey do'stim, qulog tut
mengamas she'rga,
So'zim qulog'ingda baldogecha bo'lsin.
Kerakdir insonga mehr, shirin so'z,
Dunyoda yomon so'z, yovuzlik o'lsin.
Bu gora ko'zlarining neni istamas,
Xudbinu aldogchi, bo'lmagin ochko'z.
Shoshilma hech qachon,
hech kim qistamas,
Qadaming o'ylab bos,
o'ylab ayligin so'z.
Mehr ber, insonga kerakmas boylik,
Yuzingdan yog'olsin quyoshdayin nur.
Olinga topilmas oning - bolalik,
Mustaqil farzandsan,
uning gashtin sur.

12

DADAMDAN O'TGAN...

Qo'shiq kuylab yurar ohista,
Bobojonim yurgan yo'lida.
Turilmaydi mehnat qilmasa,
Ketmon, gaychi doim qo'lida.
Men ham xuddi bobomdek jo'shib,
Qo'shiq aytсам, orom olaman.
Qancha yumush bajarmay zumda,
Qushdek yengil bo'lib qolaman.
Bo'yoqlarni sevaman yana,
Rasm chizib, hordiq olaman.
Rasmin yaxshi chiqib golsa gar,
Go'yo rassom bo'lib qolaman.
Qo'shiq kuylab, hech kam
bo'lmagan,
Bobom axir murodga yetgan.
Rassonlikka bo'lgan havasim,
Do'stlar, menga dadamdand o'tgan.

11

Nurga cho'ngan yorug' olarni,
Buncha barvaqt tashlading, ketding.
Armonlarga ko'mib bag'rimni,
Yuragimni g'ashlading, ketding.

Ko'z yoshimni yashirmoq bo'lar,
Kokillarim yuzlarim to'sib.
Nahot endi Muhammad yo'q, deb,
Men yig'layman, yig'layman o'ksib.



20

QALBIMDASIZ OTAJON

Bugun uxlab tushimda,
Otajonimni ko'rdim.
Go'yo hayotdagidek,
Ulardan ahvol so'rdim.
-Tug'ilgan kuning bilan,
Deya kulib bog'ibdi.
Ko'zlarim yoshin artib,
Zirak, munchoq taqibdi.
Sochlarimni tekislab,
Boshim asta silabdi.
Oqila qiz bo'lib, deya,
Ezgu niyat tilabdi.
Otajonim yo'q mening,
Deya armon qilmagin.
Bizlar hammamiz mehmon,
G'am-anduhni bilmagin.

VATAN

Vatanimsan buyuksan,
Barchamizga suyuksan.
Yomon ko'zdan asraylik,
G'animlardan saqlaylik.

Ulg'ayamiz bag'ringda,
Shodon, xurram, sog' bo'lib.
O'qib, hunar o'rganib,
Ko'nglimiz bir tog' bo'lib.



28

ENG BUYUK AYOL
(Anaxon opanga)

Siz borsizki, olam nurafshon,
Dunyo go'yo jannat, munavvar.
Mehringizdan bo'ylanar bo'yim,
Nigohingiz sochlarim tarar.

Tunni tongga ulaysiz bedor,
Mehr bilan tebratib beshik.
Boshimizni ohista silab,
Kuylagaysiz sirli bir qo'shiq.

Onam deya atayman sizni,
Borlig'imsiz, quvonchli onim.
Siz hayotim ma'no-mazmuni,
Siz g'ururim, shonim, vijdonim.

3

JUMBOQNI YECHSAM DEYMAN

Hayot misli charxpalak,
Gohi ravondir yo'lim.
Cho'zsam yetgudek bo'lar,
Qayga uzatsam qo'lim.

Goho yuz o'giradi,
Mendan omad yulduzim.
Dunyoni anglovlamadim,
Goho tundir kunduzim.

Oqubshdek uchsam deyman,
Samoni quchsam deyman.
Dunyo to'la jumboqni,
Bir kuni yechsam deyman.

4

ONAJON

Munis, zahmatkashu mushfiq onalar,
Farzand uchun oromidan kechar voz.
Ta'rifi, qiyosiga topmam so'z,
Onam haqda bancha she'rlar bitsam oz.

Farzandiga baxshida etib umrini,
Horidim demaydi, tin olmas biroz.
Quvonsak quvongan, yig'lasak g'amgin,
Onam haqda bancha she'rlar bitsam oz.



27

3 Dekabr - Nogironlar kuni



Nazira SAFARBOYEVA

Xorazmlik tengdoshingiz Nazira Safarboyeva qalamiga mansub she'riy misralarni o'qib, ularda qandaydir bir dard borligini fahmlaysiz. Bu bejiz emas. 16 yoshli Naziraxon tug'ma nogiron. Shundanmi, farzandi nosog'lom onalarning iztirobini sog'lom bolalarga nisbatan chuqurroq his qiladi. Biroq, u hech qachon tushkunlikka tushmaydi, oydin orzular bilan yashaydi. 9 - sinfni muvaffaqiyatli tamomlagan Nazira she'rlar, hikoyalar mashq qiladi. Viloyat miqosida o'tkaziladigan adabiy, badiiy, musiqiy tadbirlarda faol ishtirok etadi.

«Umid bilan yashayman doim» degan iborani hayotdagi shioriga aylantirib olgan Naziraning yana bir ajoyib fazilati bor: doimo ruhan tetik bo'lishga intiladi. Suhbatlashsangiz undagi ko'tarinki kayfiyat sizga ham o'tib qoladi, hayotga, yashashga bo'lgan qiziqishingiz yanada ortaveradi.

Quyida Naziraning she'rlaridan namunalari o'qiydiz.

AZIZLARIM

Istiqlolga ega bo'ldik,
Mustaqillik nonin yedik,
Yurtboshimiz ota dedik,
Shukur qiling, azizlarim.

Dunyo ichra go'zal gulshan,
Farzandlari sho'xu shodon,
O'zbekiston, bor bo'l Vatan,
Shukur qiling, azizlarim.

Farzandlari jasur o'g'lon,
Ular yurtga posbon, qo'rg'on,
Shundan doim tinchdir osmon,
Shukur qiling, azizlarim.

UMID BILAN
YASHAYMAN DOIM

Onalarni shod qilishlik
farzandlik burchimizdir,
Bizni dunyoga keltirgan,
chunki shu ulug' zotdir.
Ko'zlarida mehr bisyor,
so'zlarida bol bordir,
Farzandlari sog'lom bo'lsa,
onalar baxtiyordir.

YURTIM XORAZM

Mening yurtim go'zal Xorazm,
Qaynar buloq - she'r, g'azal, nazm.
Ko'z-ko'z qilay qadamjolarin,
Mardlarning maydoni - Xorazm.

Jaloliddin chiqqan shu yurtidan,
Polvon pirga vatan Xorazm.
Qadimiy, lek navqiron shahrim,
Mardlarning maydoni - Xorazm.

Shirin nafas san'atkorlari,
Komiljonu Otajonlari,
Bolabaxshi, xalq dostonlari,
Mening yurtim go'zal Xorazm.

Ayollar haqida, ularning bag'ri kengligi haqida xo'p gapirilgan, ko'p yozilgan. Lekin nazarimda onalarimiz haqida har qancha yozsak ham ozdek. Ularning fazilatlarini, xislatlarini hecham tugamaydigandek...

Men ham ana shunday mehridaryo ayollarimizdan biri - Toshkent viloyati, Qibray

Yodgorim tug'ildi. Katta qizim 6 yoshda, kichigim 3 oylik. Farzandlarimni onajonim Huri ayaga tashlab, o'zim ishga kirdim. Farroshlik qilib, 35 so'm maoshga bolalarimni boqardim. Shunday kunlarning birida O'ktam ismli singlim og'ir betob bo'lib qoldi. Singlim jon taslim qila olmay yotganida men unga: «O'g'ling

Ona haqida so'z

muvaqqiyatli tamomlab, tikuvchilikka o'qidi. Uka-singillariga kiyimlar tikib, mushkulimni biroz yengillatdi. Anvarjonim o'qishga kirdi, 22 yoshida uylantirib qo'ydim. Farzandlarimning oilali bo'lib, tinib-tinchib yashashlaridan,

ayniqsa, singlimga bergan va'damning ustidan chiqqanimdan behad mamnunman. Sabrning tagi sariq oltin, deganlari rost ekan. Hozir dunyoda mendan baxtli odam yo'qdek, nazarimda.

Nuri ayaning so'zlarini tinglab, ularning sabr-bardoshlariga, matonatlariga astoydil havas qildim. «Nuri aya, siz Hazrati ayolsiz» deb yubordim beixtiyor. O'zgalarning farzandi u yoqda tursin, o'z jigargo'shalarini ham tashlab ketayotganlari ham yo'q emas-ku. Qani endi dunyodagi barcha ayollar Nuri ayadek bo'lsa. Hayotimiz yanada go'zalroq, mazmunliroq bo'lardi.

Saodatxon ISMATOVA,
Toshkent viloyati, Qibray tumanidagi Chingeldi maishiy xizmat kasb-hunar kolleji talabasi.

tumanidagi R. Musamuhamedov shirkat xo'jaligida yashovchi Nuri aya Alimbayeva haqida so'z aytmochim.

Nuri aya piru badavlat onaxon. 5 nafar o'g'il-qizning mehribon onasi, 14 nafar nabira, 1 evaraning buvijonisi bo'lib, keksalik gashtini surib o'tiribdilar.

- E, qizim-ey, deya so'z boshladilar onaxon. - Bu kunlarga yetishimning o'zi bo'lgani yo'q. Hayotning barcha achchiq-chuchuk kunlarini boshimdan kechirdim, desam mubolag'a bo'lmaydi...

O'zim kechroq turmushga chiqdim. Biz baxtli hayot kechirardik. Ammo baxtli kunlarimiz uzoqqa cho'zilmadi. Turmush o'rtog'im to'satdan vafot etdi. Uch nafar qizim va vujudimdagi bo'lajak farzandim bilan 35 yoshimda beva qoldim. Keyin esa o'z ismi o'zi bilan

Anvarjondan ko'ngling to'q bo'lsin, uni o'zim tarbiya qilaman» deb va'da berdim. Shundan so'nggina u xotirjam ko'z yumdi. To'rt farzandim beshta bo'ldi. Qolgan umrimni to'laligicha ularga baxshida qildim.

Beva ayolning kuni qursin ekan. Kulsam, «ana, beva kulyapti», yig'lasam, «zorlanyapti» deyishardi. Pulimni ayab, hatto avtobuslarga chiqmasdim. Ko'rgan qiyinchiliklarim o'zimgagina ayon edi...

Farzandlarim ulg'aya borishdi. To'ng'ichim Malika maktabni



Hurmatli bolajonlar!

O'zbekiston Respublikasi Vazirlar Mahkamasining 2001 yil 7 noyabr kuni 622-F sonli farmoyishiga asosan xalq xo'jaligi va aholi turar joylarida yong'in xavfsizligi tadbirlarini kuchaytirish maqsadida 15 noyabrdan to 15 dekabrgacha respublikamizda

YONG'IN XAVFSIZLIGI OYLIGI

o'tkazilmoqda.

Aziz bolajonlar! Yong'in xavfsizligi qoidalariga rioya qilish bilan siz davlat va shaxsiy mulkingizni yong'indan asragan, shuningdek, yaqinlaringiz va tengdoshlaringiz xavfsizligini ta'minlagan bo'lasiz.

Toshkent shahar IBB Shayxontohur tumani IIB
Yong'in Xavfsizligi bo'limi.

HAR BIR ISHDA
BIRINCHI

Bizning sinfimiz o'quvchilarini barcha hurmat qiladi. Sababi aniq. Chunki biz fanlardan a'lo baholarga o'qish bilan birga, jamoat ishlarida ham faol ishtirok etamiz. Har bir bayramlarda tadbirlar uyushtiramiz, fanlar bo'yicha bellashuvlar, tanlovlar tashkillaymiz. Maktablararo o'tkazilgan bellashuvlarda bizning sinfimiz doimo g'olib bo'ladi.

Kuzning yig'im-terim pallasida ham jim o'tirmadik. Qishlog'imiz paxta dalasiga tutashib ketgan. Chaman-chaman ochilib turgan paxtalarni ko'rib qarab turolmadik. Darsdan bo'shaganimizda ota-onalarimizga oq oltinni terishda yordamlashdik. Har birimiz 20 kilogrammgacha terib topshirdik. O'sha zahoti qo'limizga tergan paxtamiz pulini berishdi.

Sinfdoshimiz Iroda Yo'ldosheva hammamizdan ham ko'p paxta terdi. Deyarli barcha darsliklarini o'sha pulga sotib oldi. Biz ham dugonamiz Irodadek yanada chaqqon, epcil bo'lishga harakat qildik.

Vazira OVLAKIMOVA,

Sirdaryo viloyati,

Xovos tumanidagi 7- maktabning
6- sinf o'quvchisi.

Aziz bolajonlar, «Istiqlol umidlari» to'garagimiz mehmoni bo'lgan yozuvchimizni sizlarga tanishtirishning hojati yo'q deb o'ylayman. Chunki sevimli adibimiz Tursunboy aka Adashboyevni hammangiz juda yaxshi taniysiz, quvnoq, ajoyib she'rlarini mazza qilib o'qiysiz.

Tursunboy aka bilan bo'lgan uchrashuvimiz ham juda maroqli o'tdi. To'garak a'zolari mehmonimizni bolalik onlari, orzulari, ilk bor chop etilgan she'riy mashqlari, ustozlari haqidagi savollarga «ko'mib tashlashdi».

Bolaligim suronli urush yillariga to'g'ri kelgan. O'sha paytlarda maktabda a'lo o'qigan o'quvchilarni rag'batlantirish maqsadida bepul gazeta va jurnallar tarqatildi. Mutolaani yaxshi ko'rganim bois, yanada yaxshiroq o'qishga intildim. Bora-bora she'rlar mashq qila boshladim. Keyinchalik O'sh viloyat gazetasida ishlay boshladim. Sevimli yozuvchimiz Quadrat Hikmat menga ustozlik qila boshladilar. Quadrat aka juda talabchan, qattiqqo'l, so'zining ustidan chiqadigan, shuningdek, xotiralari juda yaxshi inson edilar. Lo'nda, qisqa yozardilar. Yangi yozgan har bir she'rimni tinglab ko'rardilar-da, zumda o'zimga yoddan aytib berardilar. Bir yo'la tahrir

ham qilib ketardilar. Yuborgan o'ntalab she'rlarimni ma'qul kelganlarini olib, ayrimlarini qayta ishlagin, yo bo'lmasa yirtib tashla, deya qaytarib yuborardilar...

60 -yillarda bo'lib o'tgan respublika yosh ijodkorlarining birinchi anjumanida qatnashdim. Safar Barnoyev, Olqor Daminlar bilan ana shu anjumanda tanishganman.

Oradan yillar o'tdi. Mana, hozir o'zimning ham talaygina shogirdlarim bor. Quadrat akadan nimaniki o'rgangan bo'lsam, shogirdlarimga ham yetkazishga intilaman.

To'garagingizga taklif qilganingizdan, sizdek she'riyatga ixlosmand o'g'il-qizlarning ko'pligidan juda mamnunman. Shoirlikni tanlabsizlarmi, ko'proq o'qib o'rganing, tinimsiz mashq qiling. Qisqa va lo'nda yozishga harakat qiling.

Chunki, bolajonlar besabr bo'lishadi-da. Maslahatim - nasihatimiz she'rlar yozishdan qoching. Chunki ota-ona, o'qituvchi va shoirning vazifalari turlicha. Shoir bolalarga, «o'zingdan kattalarni hurmat qil» yoki bo'lmasa «puxta bilim ol» deya nasihat qilishi shart emas. Bu ota-onalarning, ustozlarning vazifasi. Har biri o'z vazifasini bajargani, bir-birini to'ldirib borgani ma'qul...

Uchrashuvimiz juda qiziqarli o'tdi. Bolajonlar qo'llariga qog'oz, qalam olib, adibimiz bergan maslahatlarni yozib borishdi. O'zlarining hamda shogirdlarining she'rlaridan tinglashdi.



Andijon viloyati, Buloqboshi tuman xalq ta'limi bo'limi qoshida «Yosh ijodkorlar» uyushmasi faoliyat ko'rsatmoqda. Uyushma a'zolari asosan maktablarning o'qituvchi va o'quvchilari bo'lib, ular o'zlarini yozgan she'r va nasriy asarlari bilan mashg'ulotlarga qatnashib turadilar. Quyida siz ana shu uyushma a'zolari ijodidan namunalar o'qiysiz.

OLTIN TOJ

Ichi to'la savoldir,
Bizning ajib oltin toj.
Sinab ko'radi sizni,
Zukkoligingiz har chog'.

Yutqazgan xafa bo'lmang,
Bu bir kichik o'yindir.
Boshqa safar baxt kular,
Deb tilaydi «Oltin toj».

Feruz MUHAMMEDOV.

BOLAJONIM

Sensan, yorug' jahonim,
Ham quvonchim, ham borim.
Hayotim shamchirog'i,
Ko'zim oqu qarog'i.
Bolajonim bolajon,
Desam, yayrab ketar jon.

Kulgichlari o'ynagan,
Biyron so'zli erkamsan.
Charchash nima bilmaysan,
Jayron ko'zli erkamsan.
Bolajonim bolajon,
Desam, yayrab ketar jon.

Qalbing g'ubor bilmaydi,
Mas'um ko'zing porlaydi.

Ishdan horib kelsam men,
So'zing qalbm cho'g'laydi.
Bolajonim bolajon,
Desam, yayrab ketar jon.

Tangrimga shukur deyman,
Shirintoyim yonimda
Yonimdagina emas,
Ham qonimda, jonimda.
Bolajonim bolajon,
Desam, yayrab ketar jon.

Gulchehra TOJIBOYEVA,
Andijon viloyati,
Buloqboshi tumanidagi
2-maktabning o'qituvchisi.

BILAG'ON BOLALAR DIQQATIGA

Siz «Tong yulduzi» sahifalarida uchraydigan xatolarni albatta topib, bizga yozib yuboring. Chunki atayin bilag'on va topag'onligingizni sinash maqsadida harflar tushirib qoldiriladi yoki qo'shib qo'yiladi. Tinish belgilari o'z o'rnida ishlatilmaydi...

Maqsadimiz bilimli bo'ling. Chunki osmonni yulduzlar yerni esa bilimlilar bezar.

BOYLIK VAFO OLMAS

Qadim-qadim zamonda, ko'm-ko'k tog'lar ortidagi Bog'i Eram tomonda Xo'ja Ahmad ismli bir zodagon yashagan ekan. Uning boyliklari behisob ekan, kechqurun oltinlarni yerga yoysa, osmon yorishib, yulduzlar ko'rinmay ketarkan. U hech kimni mensimas, hech kim bilan gaplashmas ekan. Oltinlarini yeru ko'kka ishonmay, hammadan berkitib yurarkan. Undan biror yordam so'rab kelgan kishilarni quvib solarkan. O'sha Boyliklaridan asar ham nokas boy avval bir (Ertak) qolmadi. Xo'ja hammol bo'lib, kunlarini toat-ibodatda o'tkazgan ekan.

Oллоh uning bunday savobli ishi uchun unga boylik ato etgan ekan. U esa boylikka hirs qo'yibdi. Yanada ko'proq boylik orttirish payida bo'libdi. Toat-ibodatni ham unutibdi. Boylik orttirish ilinjida vijdonini ham sotib yuboribdi.

Bir kuni uning oldiga kambag'al ko'rinishida Xizr bobo tashrif buyuribdi va undan bir burda non so'rabdi. Xo'ja Ahmad esa uni



quvib solibdi, masxaralabdi. O'sha tun uning uyiga o't ketdi. Hali hech kim bunday yong'inni ko'rmagan ekan.

Boylıklaridan asar ham qolmadi. Xo'ja Ahmadning o'zi halok bo'libdi. Odamlar uni yomon

ko'rishgani uchun hech kim yordamga kelmabdi.

Qissadan-hissa: boylik hech qachon vafo qilmaydi. Unga hirs qo'yish eng katta gunoh.

Botirjon
EGAMBERDIYEV,
10-ixtisoslashtirilgan
maktab-internatining 7-
sinf o'quvchisi.



O'zbekiston bolalari
va o'smirlarining
gazetasi

Muassislar:
O'ZBEKISTON
RESPUBLIKASI
DAVLAT MATBUOT
QO'MITASI,
O'ZBEKISTON
RESPUBLIKASI
XALQ TA'LIMI
VAZIRLIGI,
«KAMOLOT»
YOSHLAR
IJTIMOIY
HARAKATI,
«SOG'LOM AVLOD
UCHUN» XAYRIYA
JAMG'ARMASI

BOSH MUHARRIR:
Umida ABDUAZIMOVA

TAHRIR HAY'ATI:
Shuhrat AHMEDOV,
Jamoliddin FOZILOV,
Oynisa

MUSURMONOVA,
Komil YUSUPOV,
Mukarrama

MURODOVA,
Sunnatilla QO'ZIYEV,
Ergashvoy SARIQOV.

Noshir
«Ijod dunyosi»
nashriyot uyi.

Gazeta «Ijod dunyosi»
nashriyot uyi kompyuter
bo'limida terib
sahifalandi.

Hajmi A-3, 2 bosma
taboq.

«Sharq» nashriyot-
matbaa aksiyadorlik
kompaniyasida 58.519
nuxxada ofset usulida
bosildi.

Korxonalar manzili:
«Buyuk Turon»
ko'chasi, 41.

Buyurtma № T-3092
Gazetani
Muhabbat
MAHSUDOVA
sahifaladi.
Navbatchi:
Muharrama
PIRMATOVA

Ro'yxatdan o'tish
tartibi № 000137
Manzilimiz: 700129,
Toshkent shahri,
Navoiy ko'chasi,
30-uy.

Tel: 144-62-34.
144-63-08